

# KOSMOGLOTT

JURNAL SCIENTIFIC IMPARTIAL DE LINGUE INTERNATIONAL.  
ORGAN DEL SOCIETÉ KOSMOGLOTT,  
NIKITINSTRAD 10, REVAL, ESTONIA

Nr. 2

MARTE

1922

Abonnement annual . . . . . 4.-- Fr.  
Singli numero . . . . . 0.50 "  
Annuncias par qem. . . . . 0.30 "  
Publication de articles ne mandat  
per redaction custa pro loc de  
1000 litres . . . . . 6.-- "

A omni correspondentie deve junter-se un  
response-cupon, o postmares in valor de un  
response-cupon segun curs

DIRECTOR E REDACTOR E. de WAHL  
REVAL, NIKITINSTRAD 10

## Questiones de ortografie international.

Quande Ido ha separat se de Esp-o it ha introductet quele reformes in li ortografie, queles aproxima Ido al lingues natural. It ha esset ante omni **x** e **q**, queles ha restaurat li aspect scrit de mult international paroles. To es un progress incontestabil. Regrettabilmen Ido ha fat halta avan li litere **c**, quel dura figurar in ti lingue segun ortografie polones, quel choca nor sentiment per innatural vide. Naturalmen it es un infelici manca del lingues European qui ili have ti ci litere con aspectu de Janus (segun spiritual remarca de W. Shmurlo) ma it ne es nqr culp. Noi besona ne un lingue filosofic e conform a divers abstract e teor(et)ic principies, ma un lingue vermen international, facil e reconossibil. Nu, ti ci litere **c** es quasi totalmen international. Ne solmen it es usat in tal maniere in omni Roman lingues e in Angles, ma it es conosset anc in German, Scandinavian e Holandan, si anc ne mult usa t. Solmen li lingues slavie ne conosse li dupli usa del **c**. It es nu question, quó es plu facil? por li slaves, japaneses, chineses etc. aprender que **c** ante **e**, **i**, **y**, es pronunciat sibilant, e in altri casus quam **k**? o por omni Europeanes de cultura occidental desaprender su custom de pronunciation, e acostumar se a mutilation e deformation de omni conosset paroles, contenent **c**? Ples memorar que lingues italian e hispanian malgré absolutmen fonetic scrition ne ha abolit **c**. Talmen li ortografie European tutmen ne producte alcun dubie de pronunciation, quel sempre es absolut clar e unisensari. Noi nequande deve obliar que li L. I.<sup>\*)</sup> es sempre aprendet quam lingue extran, it es per scrit. E in tal casu it es tutvez plu facil aprender li lingue con auxilie de grammatica e de connexe etymologic. E just tal connex grammatical es totalmen desstructet per dissolution de **c** in du literes **k** e **e** (**s**, **z**) p. e. catolic — catolicism, electric — electricita, malefic — maleficie, periodic — periodicita, sacrificiar — sacrificie e centes piu, queles in Esp-Ido es mutilat, quam katolikismo, elektrala, elektreso (elektrikeco) periodaleso (!) sakrifiko e c. Esque vermen it es plu facil aprender o composir tal neologismes, quam utilizar li bon conosset international formes, queles certmen in ESP-IDO ne posse formarse regularmen pro li fals regules de ti systemas, ma queles in mu systema „Occidental“ es derivat samli simplic e regularmen quam li monstruositas de Esp-Ido? Talmen per li conservation de **c** li tut derivation es ad extrem simplificat e naturalisat. Ti obstacles queles on ja 40 annus ne posse superar, es acumulat per li infelici principie aprioric de Schleyer: „a chascun liter un son, a chascun son un signe“. Depoy tande on adora li principie de fonetic ortografie,

\*) Abreviation de Lingue International.



e ne vide quam risibil it es in L. I. Esque posse exister fonetic ortografie in lingue, quel ne have su propri fonetica, proque omni popules fa minim differenties e nequande pronuncia li paroles in sam maniere? Just li contari es necess: Por quam possibil retener li pronunciation in un constant medial position, deve exister un inchangibil ortografie basat sur li etymologie del lingue, comprensibil a chascun e ne dependent del pronunciation national, quel in contrari deve adaptar-se al pronunciation constant, ligat al constant etymologic ortografie. Ma tal ortografie ne posse esser polones in un lingue essentialmen latin. Li minimal labor de aprension del dupli pronunciation del **e** es talmen insignificant ye comparison con li imens profites, que parlar de su desfacilitas es solmen un metode de infloyal propaganda.

Ne por principies ma por li vive noi vive!

E. de Wahl.

### Li Evolution de lingues e Ido.

Si noi compara li antiqui formes de nor lingues con lor aspect modern, noi vide que lor evolution consiste principalmen in to, que ili ha perdit su pleonasme de grammatical formes, e aspira a un analytic form de expression del idees grammatical. Li ultim gradu ha atin'et li lingue Chines, quel ha havet quele mil annus de evolution. In Europa l Angles aproxima-se a ti ideal, e pro to da un exemple, que deve esser secuet del lingue international. It deve forjettar li ultim syntetic formes del Angles: li 3 person de presente e li imperfect, e vicear anc les per formes analytic, p. e. li imperfect per li auxiliari **fe** (in dialect de Vosges on parla „il fe remesser- il ramassa“) quel equivale al Angles „did“. Ma in Angles it es applicat solmen ye negationes e questiones, durante in L. I. it deve applicar-se generalmen.

Samli li mult tempores e aspectes ha fat plazze a poc, ma expressiv: presente, imperfect, perfect, futur. Li altri es presc ne necessari. De 2 latin infinitives ha restat un, de 3 participies solmen 2. E on ne posse dir, que li expressivita del modern lingues es minu grand quam del antiqui, just contrari.

Si noi regarda nu Ido quam evolution de Esperanto, noi deve constatar, que su evolution ha marchat just in li sense opposit. It ha agrandat li numere de syntetic formes, queles ja in Esp-o es tro grand (6 participies!). Mem li lingues slavie ne have plu quam 4. Esp-o have **un** infinitiv, Ido 6, i. e. tri vez plu quam latin. Ma li apotheose de ti ci retrogradi evolution es li syntetic passive, quel ne existe plu ni in un sol lingue European, ni mem en li slavie. Talmen li summa de syntetic modos in Ido es plu grand quam in quicunc lingue European. To es li „ciencoza evoluco“. Li verbes ja innaturalmen alongat per suffixes -ig, -iz, -ag, deveni per to vermen monstrosi, p. e. „armizar“ (armar) armizesir, armizesor, armizesinta etc. Ples notar apartmen li infinitive ye **or**: p. e. „inspektor, komandor, konduktor etc.“ queles ne significa persones, quam pensa li simplic hom. Li nomines de persones in Ido es format per su propri sciential metode secuentmen: inspektisto, komandestro, konduktisto. On vide que li evolution de Ido es pathologic! Ples retrovenir, seniores Idistes til que it es ancor tēpor! Vo ja ha comensat vor evolution tam bon con reformas de ortografie, de accentuation e de quele suffixes. It resta forjettar li **C** polones, li final etiquetes **a, o, u, e, i**, e revisar alcun suffixes: e noi va incontrar nos in li sam via.

E. W.



## Ido e li scientie.

In su motto: „nullempe perfekta, sempre perfektibla“ Ido ha posit se sur bon scientific base. Durante su existentie on ha mult laborat, quam monstra li 7 tomes de „Progreso“. Infelicimen grand parte de li labores representa scolastic dispute pri imaginari coses, evocat per li innatural base Esperantan, quel regrettabilmen ne ha esset discusset pro espera aconsentir-se con li Esp-istes, quel espera ha restat van. Si in vice de far remonta superficial del mal constructet Esp. on vell posir-se sur base del vivent lingues e li linguescientie, ne vell esser possibil li infinit discussiones if „bono — bon hom, o lu bon (to agathon, das (Gute)“, queles in un lingue de caractere European es soluet in un minut: bono — lo bon — li bon (homo)“, bona — la bon — li bon (femina), bonu — lu bon — abstract bon, bon cose. Ma in „Progreso“ tal discussiones ha durat plur annus. To es consequentie del fals premisses. Samli pro absentie de fundamental exploration scientific es introductet mult erras (errores) sub standarte eliminar irregularitás e vicear les per logical derivationes. Ci ja appare me, que li sciential base es abandonat por far plazze a un idé anticipat.

Si p. e. in botanica un explorator trova un serie de plantes, queles ne incadra se in li existent classification, il ne va dir, que to es capricie de natura, que li natura es cieca e inlogic, samli il ne va exterminar li ci plantes por salvar li classification. E si il vell far tal coses, nequi vell prender le quam serios scientist. Ma just talmen ha rasonat li chefes de Ido sub suggestion de idé de un matematical logica. In vice de penar trovar un tal classification o ley, quel va accordar-se con li existent factes, on ha declarat li natural paroles ye inlogical e irregulari, e ha constructet nov paroles logical, segun nov „sciential“ leyes, quam: „reguloza, sanigiva, militala“. Natural lingues adopte suffix ari, significant „conform a, convenient a, respondent a“: regulari conform a regules, sanitari respondet a sanitá, militari — convenient a soldat (L miles). Quó deve significar li „ciencoza logikal“ paroles de Ido segun su propri regules? Reguloza — plen de, rich in, ornat provisat de regules! Sanigiva — capabil, apt a sanar (far san)! Militala — appartenent a, dependent de, relativ al guerre (proque „milit“ in Esp-Ido significa guerre, sense totalmen arbitrari). Nu quele exemples: mesures sanitari ne es apt a sanar o curar, ma conform a postulationes de sanitá. Un aspect militari ne es aspect appartenent a guerre o relativ al guerre, ma aspect conform a soldat; salut militari ne es salut appartenent al guerre; gymnastica militari ne es relativ o appartenent al guerre, ma gymnastica conform a tal, qual fa soldates. Ú do es nu li logica? in li „irregulari“ natural lingues o in „la reguloza, ciencoza e logikala linguo Ido?“

On vide que li constructores de Ido ne ha comprehendet li signification del suffix ari\*), o on ha timet far li lingue tro regulosi per introduction de tro mult suffixes, por ne intimidar persones de minim intelligentie. Ma ili conosse ja li paroles „regular, militar etc.“ de su lingue matrin (AFISPDSvR). Pro quó do ili ne va applicar li sam paroles in „international“, in vice de inventer o aprender nov paroles? It posse esser que li metode de constant violentiation de homes a pensar logicalmen e inventer nov paroles, es un bon exercicie pedagogic, ma mi pensa que on aprende un lingue ne por exercer-se in logica, ma por intercomprender-se con persones de extran nation! E to adveni max facil, si on usa paroles e formes ja conosset de ambi.

It es cose facil compensar un parol mal electet per un altri, ma un suffix miscomprendet o un regul fals statuet posse deformar centes e

\*) compara: legendari, secundari, vulgari, exemplari, seculari, ordinari, doctrinari, revolutionari, contrari, calibatari, utilitari, humanitari, elementari, reglementari, parlamentari, voluntari e. c.



miles de paroles international. Mi ne va parlar ci pri li fals interpretat suffixes, quam -ist, -er, -in, -es, -ind etc., li signification de queles mi ha explicat mult vez in Progress, Progreso, Lingua Internationale, Koresponsens Internasional, The International Language e altri jurnales, e queles on ne ha correctet, proque li revolution in li literatur Idan vell esser tro grand. Li scientie altrivez es inconmod e dangerousi! Mi va mentionar ei superficialmen li innatural derivation de verbes per suffixes ig. iz, ag etc. quam „armizar, quitigar, skrubagar etc.“. Ma li autor anonym de „Auf dem Wege zur Europäischen Sprache“ ha demonstrat in maniere incontestabil que li derivation direct usat de lingues natural (armar, quittar, scrubar) es totalmen logical e posse encadrar-se in precis regules. Ma, admisset li regules de Ido, li laudat logica ne es secuet in usation de ti ei suffixes. P. e. in Ido petrolizar deve significar „provisar ye petroleo“, ma it significa „inflammar per petroleo“; „nombrizar“ ne significa „provisar de numeros, ma „enumerar“. E inverse esque li paroles international „caracterisar, nationalisar, tyrannizar“ significa „provisar de caractere, de nation e de tyrannos? On vide que li scientie de Ido ne dissolue li desfacilitas de mult suffixes.

Li ver scientie sercha, pseudoscientie decreta? E li resultate de ti decretes es horribil mutilationes de omniconosset paroles quam: kronizo (coronation), skemifar (schematisar), specifiva (specific), rezolvema (resolut), rezideyo (residentia), registrago (registration), reflektilo (reflector), regulozigo (regulation) etc. per centes e miles!

Esque al chefes de Ido nequande ha venit li pensa que alquicos deve esser ne in ordin, si on adveni a tal monstruositas? Ne li lingues natural, existent miles de annus esse inlogic, ma li schema arbitrari de Esp. e Ido genitant monstruositas. „Naturam expellere furca, tamen usque recurret“.

E. W.

### Xenolexica ut via ad interlingua.

Post labores de A. Liptay, J. Lott, W. Rosenberger, E. de Wahl et Academia pro Interlingua existe nullo dubio, que interlingua pote et debe es composito solum aut quasi solum ex thesauro de voces internationale, maximo de que es græco-latino. Sed pro fac facile studio de isto elementos me recommenda compone et publica opusculos de tale species:

1) Index comparativo de elementos græco et latino synonymico, p. e. aqua-hydro..., nigro-melano..., amico-phil... etc. Tunc omni studente Interlingua tene in memoria ambo elemento.

2) Index de pathonymos, i. e. de voces que es internationale in principio, sed habe forma irregulare, non analogico, divergente... p. e. pathonymos italo es **malinconia**, **sindacato**, **cronaca**..., anglo: **tendency**, **example**, **principle**..., polono: **prasa** (pressa) etc. Interlinguista de omni natio. debe habe tale index ut „aviso“ aut „memento“.

3) Novo exploratione de affixos internationale cum tendentia de vocabul-compositione plus regulare et inter-analogico. Nam nos habe nunc casus ut: **socialista** et **radicale** apud **socialismo** et **radicalismo**; **philantropo** et **germanophilo**: ultra, multo voce es internationale, sed habe sensu arbitare aut destruyente analogia, p. e. **botanica** (de Gr. bótanon „herba“) in loco de **phytologia**, apud **zoologia**; **columbario** sine columbas; **ovatione** sine ovis etc. Omni tale casu es colligendo et publicando pro critica et contra-propositiones utile. Critica interessante de xenolexica actuale es ab Georg Bauer, auctore de Spelin, (supplemento ad suo vocabulario), sed illo es aliquantulum diatribico: illo, p. e., dic, que „persona“ es indicato per multo suffixos: -ista, -ario, -er, -ico, -iker etc., et inter altro -al in **admiral**, sed ultimo es voce arabo (amîr-al-mâ „imperatore de aqua, de mare“, ergo articulo definito arabo).

Nik. Jushmanov, Petrograd, 24. II. 22.